

ქალაქ თბილისის მუნიციპალიტეტის საკრებულოს
იურიდიულ საკითხთა და ადამიანის უფლებათა დაცვის კომისიის
სხდომის ოქმი
N57

2024 წელი; 10 ივლისი; 13:30 სთ;

ქ. თბილისი
თავისუფლების მოედანი N2

სხდომას ესწრებოდნენ:

იურიდიულ საკითხთა და ადამიანის უფლებათა დაცვის კომისიის წევრები:

ზურაბ აბაშიძე (თავმჯდომარის მოვალეობის შემსრულებელი)

ნინო რუხაძე

ავთანდილ ცინცაძე

კახაბერ ლაბუჩიძე

აკაკი ალადაშვილი


ანა კილაძე

დავით ფარცვანია

სხდომის თავმჯდომარე:

ზურაბ აბაშიძე

იურიდიულ საკითხთა და ადამიანის უფლებათა დაცვის
კომისიის თავმჯდომარის მოვალეობის შემსრულებელი




დღის წესრიგი

1. ქალაქ თბილისის მუნიციპალიტეტის საკრებულოს კომისიათა პერსონალური შემადგენლობის ცვლილების თაობაზე საკითხი.

სხდომის თავმჯდომარემ სხდომა გახსნილად გამოაცხადა და დამსწრე წევრებს დასამტკიცებლად წარუდგინა იურიდიულ საკითხთა და ადამიანის უფლებათა დაცვის კომისიის სხდომის დღის წესრიგის პროექტი.

იურიდიულ საკითხთა და ადამიანის უფლებათა დაცვის კომისიის მიერ ერთხმად იქნა დამტკიცებული სხდომის დღის წესრიგი.




მოისმინეს:

1. იურიდიულ საკითხთა და ადამიანის უფლებათა დაცვის კომისიის თავმჯდომარის მოვალეობის შემსრულებელმა ზურაბ აბაშიძემ კომისიის სხდომაზე დამსწრე წევრებს გააცნო კომისიის სხდომის დღის წესრიგით განსაზღვრული, ქალაქ თბილისის მუნიციპალიტეტის საკრებულოს კომისიათა პერსონალური შემადგენლობის ცვლილების თაობაზე საკითხი.

ზურაბ აბაშიძემ კომისიის წევრებს მიაწოდა ქალაქ თბილისის მუნიციპალიტეტის საკრებულოს იურიდიულ საკითხთა და ადამიანის უფლებათა დაცვის კომისიისთვის, წერილობითი ფორმით წარდგენილი ინფორმაცია შემდეგი ღონისძიებების თაობაზე:

➤ მ/წლის 9 ივლისს წარმოდგენილ იქნა ქალაქ თბილისის მუნიციპალიტეტის საკრებულოს ფრაქციის „ქართული ოცნება - დემოკრატიული საქართველო“ თავმჯდომარის ოთარ გრიგოლიას წერილობითი კორესპონდენცია (საკ.რეგ. N03-032419124) და ამავე ფრაქციის მ/წლის 9 ივლისის სხდომის ოქმი N56, რომლის თანახმადაც, აღნიშნული სხდომის ფარგლებში, კომისიების შემადგენლობაში განსახორციელებელ ცვლილებებთან დაკავშირებით, სხდომაზე დამსწრე წევრების წინაშე საკუთარი წინადადებები წარმოადგინა ფრაქციის „ქართული ოცნება - დემოკრატიული საქართველო“ 4 (ოთხი) წევრმა, კერძოდ:

1. ნინო ვარდოსანიძემ გამოთქვა სურვილი ქალაქ თბილისის მუნიციპალიტეტის საკრებულოს გარემოს დაცვის კომისიის შემადგენლობის დატოვებისა და იურიდიულ საკითხთა და ადამიანის უფლებათა დაცვის კომისიის შემადგენლობაში გაწევრების თაობაზე;
 2. ანა კილაძემ გამოხატა სურვილი ქალაქ თბილისის მუნიციპალიტეტის საკრებულოს იურიდიულ საკითხთა და ადამიანის უფლებათა დაცვის კომისიის შემადგენლობის დატოვებისა და გარემოს დაცვის კომისიაში გაწევრების თაობაზე;
 3. ლევან აბაშიძემ გამოხატა სურვილი ქალაქ თბილისის მუნიციპალიტეტის საკრებულოს ჯანმრთელობის დაცვის და სოციალურ საკითხთა კომისიის შემადგენლობის დატოვებისა და სახელდებისა და სიმბოლიკის კომისიაში გაწევრების თაობაზე;
 4. შალვა ოგბაიძემ გამოთქვა სურვილი ქალაქ თბილისის მუნიციპალიტეტის საკრებულოს სახელდებისა და სიმბოლიკის კომისიის შემადგენლობის დატოვებისა და ჯანმრთელობის დაცვის და სოციალურ საკითხთა კომისიაში გაწევრების თაობაზე.
- აღნიშნულის გათვალისწინებით, ზემოხსენებული სხდომის ფარგლებში, ფრაქციის სხდომაზე დამსწრე წევრებმა ერთხმად დაუჭირეს მხარი შემდეგ ღონისძიებებს:
1. „ქართული ოცნება - დემოკრატიული საქართველო“ ფრაქციის წევრის - ნინო ვარდოსანიძის ქალაქ თბილისის მუნიციპალიტეტის საკრებულოს გარემოს დაცვისა კომისიის შემადგენლობიდან გაწვევისა და იურიდიულ საკითხთა და ადამიანის უფლებათა დაცვის კომისიაში წარდგენის შესახებ;
 2. „ქართული ოცნება - დემოკრატიული საქართველო“ ფრაქციის წევრის - ანა კილაძის ქალაქ თბილისის მუნიციპალიტეტის საკრებულოს იურიდიულ საკითხთა და



- ადამიანის უფლებათა დაცვის კომისიის შემადგენლობიდან გაწვევისა და გარემოს დაცვის კომისიის შემადგენლობაში წარდგენის შესახებ;
3. „ქართული ოცნება - დემოკრატიული საქართველო“ ფრაქციის წევრის - ლევან აბაშიძის ქალაქ თბილისის მუნიციპალიტეტის საკრებულოს ჯანმრთელობის დაცვის და სოციალურ საკითხთა კომისიის შემადგენლობიდან გაწვევისა და სახელდებისა და სიმბოლიკის კომისიაში წარდგენის შესახებ;
 4. „ქართული ოცნება - დემოკრატიული საქართველო“ ფრაქციის წევრის - შალვა ოგბაიძის ქალაქ თბილისის მუნიციპალიტეტის საკრებულოს სახელდებისა და სიმბოლიკის კომისიის შემადგენლობიდან გაწვევისა და ჯანმრთელობის დაცვის და სოციალურ საკითხთა კომისიის შემადგენლობაში წარდგენის შესახებ.

ზურაბ აბაშიძემ კომისიის სხდომაზე დამსწრე წევრებს ასევე მიაწოდა ინფორმაცია, რომ საქართველოს პარლამენტის მიერ მ/წლის 27 ივნისს მიღებულ იქნა დადგენილება N4289-XIV მს-Xმპ, რომლის მიხედვითაც, საქართველოს პარლამენტის მიერ ცნობილ იქნა არჩილ გორდულაძის უფლებამოსილება, როგორც საქართველოს პარლამენტის გამოკვლევითი წევრის გიორგი ცაგარეიშვილის ადგილმონაცვლის. ზურაბ აბაშიძემ აქვე აღნიშნა, რომ არჩილ გორდულაძე წარმოადგენს ქალაქ თბილისის მუნიციპალიტეტის საკრებულოს იურიდიულ საკითხთა და ადამიანის უფლებათა დაცვის კომისიის წევრს, ასევე, ქონების მართვისა და საფინანსო-საბიუჯეტო კომისიის წევრს.


აზრი გამოთქვას:

ზურაბ აბაშიძემ განმარტა, რომ საქართველოს ორგანული კანონის „ადგილობრივი თვითმმართველობის კოდექსი“ და „ქალაქ თბილისის მუნიციპალიტეტის საკრებულოს რეგლამენტის დამტკიცების შესახებ“ ქალაქ თბილისის მუნიციპალიტეტის საკრებულოს 2014 წლის 19 ივლისის N2-1 დადგენილებით დამტკიცებული ქალაქ თბილისის მუნიციპალიტეტის საკრებულოს რეგლამენტით გათვალისწინებული პროცედურის შესაბამისად, თანამდებობრივი შეუთავსებლობის ფაქტთან დაკავშირებით, ქალაქ თბილისის მუნიციპალიტეტის საკრებულო იმსჯელებს უახლოეს სხდომაზე.

აგრეთვე, კომისიის თავმჯდომარის მოვალეობის შემსრულებელმა ისაუბრა, საქართველოს ორგანული კანონის „ადგილობრივი თვითმმართველობის კოდექსი“ და „ქალაქ თბილისის მუნიციპალიტეტის საკრებულოს რეგლამენტის დამტკიცების შესახებ“ ქალაქ თბილისის მუნიციპალიტეტის საკრებულოს 2014 წლის 19 ივლისის N2-1 დადგენილებით დამტკიცებული რეგლამენტის შესაბამისად დადგენილ, ზემოაღნიშნული კორესპონდენციებით წარმოდგენილი საკითხების თანმდევ, შემდეგ სამართლებრივ პროცედურულ ღონისძიებებზე:

➤ საქართველოს ორგანული კანონის „ადგილობრივი თვითმმართველობის კოდექსი“ :

- 24-ე მუხლის პირველი ნაწილის „ბ.დ“ ქვეპუნქტის თანახმად, მუნიციპალიტეტის საკრებულოს უფლებამოსილებას განეკუთვნება მუნიციპალიტეტის საკრებულოს კომისიის შექმნა; კომისიის თავმჯდომარის არჩევა და თანამდებობიდან გადაყენება; ახალარჩეული მუნიციპალიტეტის საკრებულოს პირველ სხდომაზე მუნიციპალიტეტის საკრებულოს



კომისიის წევრთა რაოდენობისა და პროპორციული წარმომადგენლობის კვოტების განსაზღვრა და დამტკიცება, კომისიის შემადგენლობის ცნობად მიღება; კომისიის დებულების დამტკიცება და მასში ცვლილების შეტანა;

- ამავე ორგანული კანონის 28-ე მუხლის მე-2 პუნქტის თანახმად, მუნიციპალიტეტის საკრებულოს კომისიის შემადგენლობა განისაზღვრება მუნიციპალიტეტის საკრებულოს ფრაქციათა წარმომადგენლობისა და მუნიციპალიტეტის საკრებულოს იმ წევრთა რაოდენობის პროპორციულად, რომლებიც გაერთიანებული არ არიან არცერთ ფრაქციაში. მუნიციპალიტეტის საკრებულოს კომისიის წევრთა რაოდენობასა და პროპორციული წარმომადგენლობის კვოტებს განსაზღვრავს მუნიციპალიტეტის საკრებულოს იურიდიულ საკითხთა კომისია ან შესაბამისი კომპეტენციის მქონე კომისია მუნიციპალიტეტის საკრებულოს რეგლამენტით დადგენილი წესით და ამტკიცებს მუნიციპალიტეტის საკრებულოს ბიურო.

- ამავე ორგანული კანონის 28-ე მუხლის 2² პუნქტის თანახმად, მუნიციპალიტეტის საკრებულოს კომისიაში წევრის წარდგენის შესახებ მუნიციპალიტეტის საკრებულოს ფრაქციის გადაწყვეტილება ეცნობება მუნიციპალიტეტის საკრებულოს იურიდიულ საკითხთა კომისიას ან შესაბამისი კომპეტენციის მქონე კომისიას (მუნიციპალიტეტის საკრებულოს) და მუნიციპალიტეტის საკრებულოს ბიუროს. იურიდიულ საკითხთა კომისია ან შესაბამისი კომპეტენციის მქონე კომისია (მუნიციპალიტეტის საკრებულო) ამოწმებს ფრაქციის მიერ კომისიაში წევრის წარდგენის სისწორეს და საჭიროების შემთხვევაში ახდენს სათანადო რეაგირებას. ფრაქციის მიერ კომისიაში წარდგენილი წევრი კომისიაში დანიშნულად მიიჩნევა აღნიშნული ფაქტის მუნიციპალიტეტის საკრებულოს ბიუროს (მუნიციპალიტეტის საკრებულოს) მიერ ცნობად მიღების მომენტიდან.

➤ „ქალაქ თბილისის მუნიციპალიტეტის საკრებულოს რეგლამენტის დამტკიცების შესახებ“ ქალაქ თბილისის მუნიციპალიტეტის საკრებულოს 2014 წლის 19 ივლისის N2-1 დადგენილებით დამტკიცებული რეგლამენტის:

- 49-ე მუხლის მე-2 პუნქტის „ზ²“ ქვეპუნქტის თანახმად, საკრებულოს ბიურო ცნობად იღებს საკრებულოს კომისიის შემადგენლობაში შეტანილ ცვლილებებს.

გადაწყვეტის:

იურიდიულ საკითხთა და ადამიანის უფლებათა დაცვის კომისიის წევრებმა ერთხმად დაადგინეს, რომ დაცულია საკრებულოს ფრაქციის მიერ კომისიის წევრის წარდგენის წესი, ამასთანავე, წარმოდგენილი ცვლილებები შეესაბამება ქალაქ თბილისის მუნიციპალიტეტის საკრებულოს ბიუროს მიერ დამტკიცებულ კომისიის წევრთა რაოდენობისა და პროპორციული წარმომადგენლობის კვოტებს.

ყოველივე ზემოაღნიშნულიდან გამომდინარე, იურიდიულ საკითხთა და ადამიანის უფლებათა დაცვის კომისიის წევრებმა ერთხმად აღნიშნეს, რომ კომისია დანართის სახით წარმოადგენს, ზემოაღნიშნული ცვლილების გათვალისწინებით, ქალაქ თბილისის



მუნიციპალიტეტის საკრებულოს კომისიათა პერსონალურ შემადგენლობას, რომელიც ცნობის სახით უნდა მიიღოს ამავე საკრებულოს ბიურომ.

ამასთანავე, იურიდიულ საკითხთა და ადამიანის უფლებათა დაცვის კომისიამ დაადგინა, რომ საკრებულოს წევრის არჩილ გორდულაძის თანამდებობრივი შეუთავსებლობის ფაქტთან დაკავშირებით, ქალაქ თბილისის მუნიციპალიტეტის საკრებულოს მიერ უახლოეს სხდომაზე მსჯელობისა და უფლებამოსილების ვადამდე შეწყვეტის შესახებ გადაწყვეტილების მიღების შემდგომ, საკრებულოს წევრის არჩილ გორდულაძის ნაწილში, შესაბამისი ცვლილებები აისახოს საკრებულოს კომისიათა პერსონალურ შემადგენლობაში.

იურიდიულ საკითხთა და ადამიანის უფლებათა დაცვის კომისიის სხდომის დღის წესრიგით გათვალისწინებული საკითხის განხილვის შემდეგ, სხდომის თავმჯდომარემ სხდომა დახურულად გამოაცხადა.

სხდომის თავმჯდომარე

ზურაბ აბაშიძე

სხდომის მდივანი

ნინო დანელიშვილი